

Хүмүүнлэгийн ухааны их сургуулийн ректорын
2025 оны 06 дугаар сарын 20-ны өдрийн
17/71 тоот тушаалын нэгдүгээр хавсралт

СУРАЛЦАГЧ СУРАЛЦУУЛАХ ГЭРЭЭ /БАКАЛАВР/

Огноо

#

Улаанбаатар хот

Энэхүү суралцагч суралцуулах гэрээг нэг талаас Хүмүүнлэгийн Ухааны Их Сургууль (цаашид "Сургууль" гэх)-ийг төлөөлж Сургалтын албаны дарга Баяндүүрэн овогтой Урансайхан нөгөө талаас "....." хөтөлбөрт элсэн суралцагч овогтой (РД:) /цаашид "Суралцагч" гэх/ бид нар Дээд боловсролын тухай хууль, Иргэний хуулийн 42.3, 196, 206 дугаар зүйлүүдийг тус тус үндэслэн харилцан тохиролцож, сайн дурын үндсэн дээр дараах нөхцөлөөр байгуулав.

Нэг. Нийтлэг үндэслэл

- 1.1. Энэхүү гэрээний зорилго нь талуудын хооронд дээд боловсролын зэрэг олгох сургалтын үйл ажиллагаатай холбогдон үүсэх харилцааг зохицуулахад оршино.
- 1.2. Суралцагч нь Сургуулийн "Суралцагч элсүүлэх журам", "Сургалтын журам", "Суралцагчийн ёс зүйн дүрэм", "Төлбөр тооцооны журам" болон бусад холбогдох дүрэм, журамтай эцэг, эх, харгалзан дэмжигчийн хамтаар танилцаж хүлээн зөвшөөрсөн болно.

Хоёр. Суралцагчийн эрх, үүрэг

Суралцагч дараах эрхтэй:

- 2.1. Суралцах орчин, нөхцөлөөр хангуулах;
- 2.2. Суралцагч өөрийн суралцаж буй хөтөлбөрийн сургалтын төлөвлөгөөнд заасан хичээлээс гадна хуваарь давхцаагүй нөхцөлд бусад хөтөлбөрийн сургалтын төлөвлөгөөний хичээлүүдээс сонгон судлах;
- 2.3. Сургуулиас тухайлан заасан хичээлийг бие даан судалж, дүгнүүлэх;
- 2.4. Сургалт болон бусад үйлчилгээтэй холбогдох асуудлаар албан хүсэлт гаргах;
- 2.5. Сургуулийн "Төлбөр тооцооны журам"-д заасны дагуу хөнгөлөлт эдлэх;
- 2.6. Эрдэм шинжилгээний өгүүлэл хэвлүүлэх, хуралд оролцохоор бүтээлээ дэвшүүлэх;
- 2.7. Сургалтын үйл ажиллагаатай холбоотой асуудлыг хэлэлцэх, шийдвэрлэхэд шууд буюу төлөөлөн оролцох;
- 2.8. Боловсролын зээлийн сангаас тавигдах шаардлагад нийцэж буй тохиолдолд оюутны хөгжлийн зээл, буцалтгүй тусламжид хамрагдах;

Суралцагч дараах үүрэгтэй:

- 2.9. Сургалтын болон зүй ёсны шаардлагыг биелүүлэн хичээлд бүрэн хамрагдаж, шалгалт, даалгавар, дадлага, төгсөлтийн ажлыг хугацаанд нь гүйцэтгэн, хоцрогдолгүй хариуцлагатай бие даан амжилттай суралцах;

- 2.10. Суралцагч өөрийн суралцаж буй хөтөлбөрийн санал болгох төлөвлөгөөний дагуу ганцаарчилсан төлөвлөгөөг улирлын 17 болон 18-р долоо хоногт зөвлөх багшийн хамт хянан баталгаажуулж, улирал дутам өөрийн судалсан багц цаг, дүнгийн бүртгэлийг хянан "Сургалтын журам"-ын заасан хугацаанд зохих өөрчлөлтийг оруулан баталгаажуулах;
- 2.11. Суралцагч энэхүү журмын 2.10 заалтыг биелүүлээгүйгээс гарах үр дагаврыг бүрэн хариуцах бөгөөд ХИС-ийн "Сургалтын журам"-д заасны дагуу боломжит улиралд нөхөн судлах;
- 2.12. Сургуулийн дүрэм, журам, бусад холбогдох мэдээлэл, заавартай танилцан мөрдлөг болгон бусдын эрх ашгийг хүндэтгэн, ёс зүйн зарчмыг баримтлан сургалтын үйл ажиллагаанд идэвх санаачилгатай оролцох;
- 2.13. Сургалтын үйл ажиллагаанд оролцоход шаардлагатай хувийн бэлтгэлийг бүрэн хангаж бие даан оролцох;
- 2.14. Суралцах хугацаанд эрүүл мэндийн даатгалд бүрэн хамрагдах;
- 2.15. Сургалтын төлбөр болон холбогдох үйлчилгээний хураамжийг заасан хугацаанд төлөх;
- 2.16. Сургалтын үйл ажиллагаанд оролцоход шаардлагатай баримт бичгийг заасан хугацаанд холбогдох албанд хүлээлгэн өгөх;
- 2.17. Өөрийн буруутай үйлдлийн улмаас Сургуулийн орчинд болон сургалтын хэрэглэгдэхүүнд аливаа хохирол учруулсан тохиолдолд хохирлыг тухайн үеийн зах зээлийн ханшаар бүрэн барагдуулах;
- 2.18. Багш, ажилтан, бусад суралцагчтай ёс зүйн хэм хэмжээг баримтлан харилцах;
- 2.19. Суралцах хугацаандаа гүйцэтгэсэн судалгааны ажил, эрдэм шинжилгээний бүтээл, төслийн ажлуудад ёс зүйн баталгаа гаргаж өгөх;
- 2.20. Сургуулийн үйл ажиллагаа, бусдын нэр хүндэд үндэслэлгүй, хууль бусаар халдахгүй байх;

Гурав. Сургуулийн эрх, үүрэг

Сургууль дараах эрхтэй:

- 3.1. Сургуулийн "Сургалтын журам"-ын шаардлага бүрэн хангасан суралцагчид зохих боловсролын зэрэг, сургалтын гэрчилгээ олгох;
- 3.2. Сургалтын агуулга, арга, хэлбэр, судалгаа, туршилтын ажлын зорилт, чиглэл, тэдгээрийг шийдвэрлэх арга замыг шинэчлэн хэрэгжүүлэх;
- 3.3. Инфляц болон зардлын төсвийг харгалзан тухайн хичээлийн жилийн сургалтын төлбөрийн нэг багц цагийн үнэлгээнд өөрчлөлт оруулах;
- 3.4. Бүлэг бүрдэлтээс хамаарч хичээлийн хуваарьт өөрчлөлт оруулах, хөтөлбөр, хичээлийн хэрэгжилтийг цуцлах;
- 3.5. Хүндэтгэн үзэх шалтгаангүйгээр заасан хугацаанд хичээлийн бүртгэлд хамрагдаагүй эсвэл идэвх санаачилгагүй, хангалтгүй сургалтын үйл ажиллагаанд оролцсон суралцагчийг зохих журмын дагуу чөлөөлөх;
- 3.6. Суралцагчийн судалгааны болон төслийн ажлыг хэвлэмэл болон цахим хэлбэрээр номын санд байршуулж, нийтийн хүртээл болгох, сургалтад ашиглах;

- 3.7. Монгол Улсын хууль, тогтоомж болон Сургуулийн дүрэм, журам, ёс зүйн хэм хэмжээг ноцтой зөрчсөн суралцагчийг бүрэн чөлөөлж дахин гэрээ байгуулахаас татгалзах;
- 3.8. Суралцагчаас энэхүү гэрээгээр хүлээсэн үүргээ биелүүлэхийг шаардах;
- 3.9. Сургалтын төлбөр, хураамж хугацаанд нь төлөөгүй тохиолдолд сургалтын үйл ажиллагаанд оролцох эрхийг хязгаарлах, гэрээг цуцлах;
- 3.10. Суралцагч энэхүү гэрээгээр хүлээсэн үүргээ биелүүлээгүй тохиолдолд сургалтын үйл ажиллагаанд оролцох, үйлчилгээ авах эрхийг хязгаарлах, гэрээг дуусгавар болгох;

Сургууль дараах үүрэгтэй:

- 3.11. Сургалтад шаардагдах орчин, нөхцөлөөр хангах;
- 3.12. Сургалт болон бусад үйлчилгээтэй холбогдох асуудлаар санал хүсэлт, хүлээн авч шийдвэрлэх;
- 3.13. Сургуулийн төлбөр тооцооны журмын дагуу хөнгөлөлт үзүүлэх;
- 3.14. Сургуулийн дүрэм, журам болон бусад холбогдох мэдээлэл, заавартай танилцах боломжоор хангах;
- 3.15. Эрдэм шинжилгээний сэтгүүл нийтлэх, хурал зохион байгуулах;
- 3.16. Суралцагчийг сургалтын үйл ажиллагаатай холбоотой асуудалд шууд буюу төлөөлөн оролцуулах;

Дөрөв. Сургалтын төлбөр, хураамж

- 4.1. Суралцагч нэхэмжлэхийн нөхцөлийн дагуу төлбөр, хураамжийг хугацаанд нь бүрэн төлнө.
- 4.2. Тухайн улиралд судлах хичээлийн нийт багц цагийн төлбөрийг "Төлбөр тооцооны журам"-ын 3.2.2-т заасан хуваарийн дагуу харгалзах хувиар тооцож төлнө.
- 4.3. Суралцаж буй суралцагч хичээлийн жилийн улирал эхэлснээс хойш хүсэлт гаргасан тохиолдолд, хүсэлт гаргасан өдрөөр тасалбар болгон суралцсан хугацааны сургалтын төлбөрийг суутгуулан, тухайн улирлын суралцаагүй үлдсэн хугацааны төлбөрийн 90%-ийг буцааж олгоно. Тухайн улирлын төлбөрөөс илүү төлсөн төлбөрийг 100% буцааж олгоно.
- 4.4. Жилийн чөлөө авсан суралцагч суралцсан хугацааны төлбөрөөс илүү төлөгдсөн сургалтын төлбөрөө буцаан авах хүсэлт гаргасан тохиолдолд суралцсан хугацааны төлбөрийг суутгуулан, үлдсэн хугацааны төлбөрийн 90%-ийн төлбөрийг буцааж олгоно.
- 4.5. Чөлөө авах, сургуулиас чөлөөлөгдөх албан хүсэлт өгөөгүй, хүндэтгэн үзэх шалтгаангүй хичээлд хамрагдаагүй тохиолдолд хичээлд хангалтгүй оролцсонд тооцож буцаан олголт хийхгүй.
- 4.6. Сургуулийн зүгээс шалтгаалан сургалт зохион байгуулагдаагүй тохиолдолд сургалтын төлбөрийг 100% буцаан олгоно.
- 4.7. Суралцагч үргэлжлүүлэн суралцахдаа тухайн хичээлийн жилд мөрдөгдөж буй нэг багц цагийн үнэлгээгээр тооцож сургалтын төлбөрийг төлнө.

Тав. Давагдашгүй хүчин зүйлс

- 5.1. Талууд тэдгээрийн хяналтаас гадуур, урьдчилж тооцох ба даван туулах боломжгүй, төрөөс гаргасан шийдвэр, гэнэтийн буюу давагдашгүй хүчний шинжтэй /дайн байлдаан, тахалт өвчин, цар тахал, байгалийн гамшиг, гал түймэр, дэлбэрэлт, үймээн самуун г.м/ нөхцөл байдлын улмаас гэрээгээр хүлээсэн үүргээ биелүүлэх боломжгүй эсвэл саатсан тохиолдолд давагдашгүй хүчин зүйл үргэлжлэх хугацаанд талууд харилцан бие биеийнхээ эсрэг шаардлага гаргах, хөөн хэлэлцэх хугацаа түр зогсоно.
- 5.2. Давагдашгүй хүчин зүйлд өртсөн тал гэрээний үүргээ хэрэгжүүлэх боломжгүй болсон тохиолдолд үүнээс гарах үр дагавар болон гэрээг хамгийн бага хугацаагаар хойшлуулах бүх арга хэмжээг авна.

Зургаа. Бусад зүйлс

- 6.1. Суралцагч энэхүү гэрээний агуулгыг хүлээн зөвшөөрч цахим хэлбэрээр баталгаажуулан сургалтын төлбөр, хураамжийг тус гэрээний 4.1-т заасны дагуу бүрэн төлж, гэрээг гарын үсгээр баталгаажуулсан өдрөөс хүчин төгөлдөр болно.
- 6.2. Боловсролын зээлийн сангаас санхүүжигдэх буцалтгүй тусламжид хамрагдах тохиолдолд Боловсролын зээлийн сангаас баталгаажуулалт хийхээс өмнөх сургалтын төлбөр болон санхүүжилтээс давсан төлбөрийг суралцагч өөрөө хариуцна.
- 6.3. Гэрээний хугацаа 48 сар байна.
- 6.4. Суралцагч төлбөр, хураамжийг Сургуулийн "Төлбөр тооцооны журам"-ын 3.2.2-т заасан хугацаанд төлөөгүй сургалтын үйл ажиллагаанд оролцох, үйлчилгээ авах эрхийг төлбөр, хураамж төлөх өдөр хүртэл хязгаарлана.
- 6.5. Энэхүү гэрээний 6.4-д заасан хугацаанд төлбөр, хураамж төлөөгүй ажлын 5 хоног болсон тохиолдолд энэхүү гэрээг дуусгавар болгож мэдэгдэл хүргүүлнэ.
- 6.6. Гэм буруутай нь хуулийн байгууллагаар тогтоогдсон тохиолдолд тухайн өдрөөр гэрээ дуусгавар болно.
- 6.7. Гэрээнд тусгагдаагүй аливаа асуудлыг Боловсролын ерөнхий хууль, Иргэний хууль, Сургуулийн дүрэм, журам, бусад холбогдох хууль тогтоомжийг баримтлан шийдвэрлэнэ.
- 6.8. Талуудын хооронд гэрээнд заасан асуудлаар маргаан гарвал эвийн журмаар шийдвэрлэхийг эрмэлзэх бөгөөд хэрэв талууд тохиролцоонд хүрээгүй тохиолдолд шүүхээр шийдвэрлүүлнэ.
- 6.9. Суралцагч гэрээний нэг хувийг Сургалтын албанд хүлээлгэн өгч, нэг хувийг өөрт хадгална.
- 6.10. Гэрээг хоёр хувь үйлдэх ба хэвлэмэл болон цахим хувь тус бүр нэгэн адил хүчин төгөлдөр байна.

Сургуулийг төлөөлж:

Сургалтын албаны дарга:
Б.Урансайхан

Хаяг: СБД, 8-р хороо,
Сүхбаатарын талбай-20

Утас: 77111500 /150-155/

Гарын үсэг:

Суралцагчийг төлөөлж:

Овог, нэр:

Хаяг:

Гарын үсэг:

Утас:

Суралцагч нь насанд хүрээгүй /18 нас/ тохиолдолд

Эцэг, эх, харгалзан дэмжигчийн овог нэр:

Регистрийн дугаар:

Утас:

Гарын үсэг: